



志第六卷 離部

南陽府桐柏縣事關西鞏敬緒理齋甫纂修
縣儒學復設教諭高安李之杜仲開甫訂正
候補知縣乙卯科舉人渭北李南暉仲晦甫編輯

邑庠

魏

垣象三

校正

禮志

禮者天地之經也先王創之爲典使天下萬世建
國置邑者莫不由之所以示大同之道而有社稷
人民者守焉其事神之禮自古先聖賢以及山川

百神之在其地者修歲事焉莫敢不虔其事人之
禮自

聖節詔赦及涖任賓興飲射讀法之諸不可闕者率舊
章焉莫敢不敬其所爲虔敬焉者莫不一以至誠
行之使人神胥悅而幽明交感焉則典禮之有關
於國邑豈不重哉夫古人日月以告其君齋戒以
告鬼神爲酒食以召鄉黨僚友所以若是者何也
蓋以人之由禮皆天理之當然殊不知務虛文使
人觀示之爲美而已也作典禮志第六

慶賀

凡恭遇

萬壽聖節

縣正印官率僚屬朝服於

龍亭前排列儀仗至日五鼓並邑中文武各官衣朝衣
齊肅立丹墀下文東武西禮生四名稟三鼓行禮
引至各拜位通贊唱序班行三跪九叩頭禮畢各
退前後坐班日期如

新頒例

前三日後三日
俱蟒衣坐班

儀仗

龍亭一

龍握一

龍扇一

椅一

香亭一

龍傘一

梧杖二

盆一

立瓜一

卧瓜二

骨朶二

金鉞二

恭遇

皇后千秋令節元日長至節儀注俱同

惟不先
後坐班

詔書至

凡

朝使恭捧

詔書至本縣官員衣朝衣具

龍亭彩輿儀仗鼓樂出郭外肅迎

朝使捧

詔書置

龍亭中南向

朝使立於亭東本縣官員北向行三跪九叩頭禮衆
官及鼓樂前導

朝使隨亭後行至公庭門外衆官先趨入文武分東
西序跪候

龍亭至公庭中

朝使立

龍亭之東西向贊禮官通贊序班文東武西樂作行三

跪九叩頭禮

朝使捧

詔書授展讀官跪受詣開讀案前宣讀衆官皆跪聽宣

讀畢展讀官捧

詔書恭授

朝使捧置

龍亭中衆官跪行三叩頭禮起又行二跪六叩頭禮畢
衆官退易服與

朝使行禮本縣官仍具鼓樂恭送

龍亭

凡

詔書經過道路官員軍民人等俱於路傍俯伏候

詔書過方起如出使在外官員遇

詔書到處卽出迎郊外至公庭中贊禮官贊出使官行

禮先引至露臺行三跪九叩頭禮然後本地官行

禮至開讀時仍隨班跪聽一同行禮

凡

詔書經過及止宿地方先行知五里之內縣中文武各官具鼓樂出城迎接跪於道右候

詔書過方起隨至郵亭設香案供奉

朝使立於案東禮生贊禮行三跪九叩頭禮畢衆官易服與

朝使行禮

詔書不進郵亭不行禮至臨行時亦仍具鼓樂出城在

道右兼送

凡宣講

聖諭

每月朔望日豫擇寬潔公所設香案屆期縣中文
武官俱至衣蟒衣禮生唱序班行三跪九叩頭禮
興退班齊至講所軍民人等環列肅聽禮生唱恭
請開講司講生詣香案前跪恭捧

上諭登臺木鐸老人跪宣讀畢禮生唱請宣講

上諭第一條司講生接天講畢復請講

大清律數條退

迎春

每歲有司豫備芒神立春前一日縣
中文武各官吉服東郊祭勾芒神至本日常衣
朝衣祭勾芒神訖各執練仗正官擊鼓三聲環鞭
土牛者三

羅志云明邱文莊云按宋景祐所頒土牛經其
作土牛以歲之干色爲首支色爲身納音色爲
腹立春日干色爲角耳尾支色爲頸納音色爲

蹄至元所頒經式牛色止以立春日爲法日干
爲頭角耳色支爲身色納音爲蹄尾肚色明初
襲用元制正統中始用言者製土牛色腹用歲
之支干納音如宋法

國朝制因之

祭

先農耕藉

每歲仲春奉 都文所擇之期定於亥日巳時致

祭

先農壇午時行耕藉禮祭日知縣率各官請

神位供於壇上衣朝衣行禮祭畢送

位入祠

壇

高二尺一寸

廣二丈五尺

牌

高二尺四寸

座

高五寸廣九寸五分

壇後祠宇

載建置志

祭品

帛一

色白

羊一

豕一

鉶一

籩四

豆四

盤一

簋二

爵三

儀注

祭日各官衣朝衣禮生引承祭官至拜位通贊
唱執事者各司其事陪祭官各就位承祭官就
位通贊唱瘞毛血禮生引詣盥洗所贊盥洗淨
巾引詣香案前贊迎神行二跪六叩頭禮興行
初獻禮引詣

神位前跪奠帛獻爵叩頭興詣讀祝位跪通贊唱
衆官皆跪宣祝文畢叩頭興引唱復位通贊唱
行亞獻禮引詣

神位前跪獻爵叩頭興復位通贊唱行三獻禮如
亞獻儀通贊唱飲福受胙引唱詣飲福受胙位
跪飲福酒受福胙一跪三叩頭興復位通贊唱
徹饌送神仍行二跪六叩頭禮興通贊唱司祝
者捧祝司帛者捧帛各詣燎所引唱詣望燎位
焚畢揖復位通贊唱禮畢各官更蟒衣行耕藉
禮

先農壇祭文

神肇興稼穡維教蒸民頌思文之德克配彼天念率育
之功陳常時夏茲當東作咸服西疇洪惟

九五之尊歲舉

三推之典恭膺守土敢忘勞民謹奉羹章聿修祀典
願五風十雨嘉祥恒沐於

神庥庶幾九穗雙岐上瑞頻書於大有納糴

耨田

四畝九分

置於東郊

耕藉儀

正印官秉耒佐貳官執青箱播種

或用耒耜

各官俱

用右手扶犁左手執鞭各行九推禮農夫終畝
耕畢各回官廳更朝衣望

闕恭行三跪九叩頭禮仍將遵行耕藉日期具報

耕藉器物

農具一

赤色

牛一

黑色

籽種箱一

青色

祭

亥廟

每歲春秋上丁日致祭先期知縣率領陪祭各官

齊赴

文廟階下行一跪三叩頭禮教官條器視牲並瘞毛
血至期黎明各官衣朝衣齊集行禮

正殿

至聖先師孔子神位

祭品

帛一 白色

牛一

羊一

豕一

登一

鉶一

簠二

簋二

籩十

豆十

酒樽一

白磁爵三